

Augustinianorum Nullitatis Capituli Generalis.

Em.^{me} & Reu.^{me} Dñe. **C**oncordato Facto sumus in eodem prorsus sistematē à nobis representato sub die 31. Ianuarij; Imò validitas Capituli Prouincialis Aragoniæ, & è contra nullitas Capituli Generalis clariùs elucescit ex facto concordato, cuius Epitome talis est.

Eminentissimus Protector infrascripta gessit. *Primò* de anno 1688. deputauit in Visitatorem Generalem P. Ioannem à S. Iosepho tunc, & nunc Procuratorem Generalem (A) *Secundò* substituit in Visitatorem P. Iosephum à Spiritu Sancto. *Tertiò* de anno 1691. suspendit ab Officio Vicarium Generalem (B) & deputauit in Procurarium eundem P. Iosephum qui erat Visitator (C); illoque renunciante subrogauit tùm in Procurarium, tùm in Visitatorem P. Simonem Aduersarium cum clausula *suspensione durante* (D).

Interim à P. Iosepho visitata fuerat Prouincia Aragoniæ, itaut P. Simoni remanerent dumtaxat visitandæ Prouinciæ Bechicæ, & Castellæ (E).

At quoniam P. Simon ob suos fines intendebat reuiscitare Prouinciam Aragoniæ, expositis Eminentiss. dubijs sibi beneuolis; & sub forma sibi beneuolæ, petijt ab eodem Eminentissimo, nùm Aragonia esset iterùm visitanda; Et vsquequò visitatio durare deberet; & fuit responsum circa reuiscitationem esse ampliùs deliberandum; Totam verò Visitatorem explendam esse intra annum 1693. (F)

Postmodum verò idem Eminentiss. 10. Octob. 1693. asserens ad eius notitiam peruenisse Visitatorem Aragoniæ fuisse informem, commisit de nouo d. P. Simoni vt consideratis defectibus pro eius arbitrio, illam Prouinciam de nouo visitaret (G)

A

Di-

(A) *Summ. Aduersarij Num. 1.*

(B) *Summ. Aduers. Num. 3.*

(C) *Summ. Aduers. Num. 4.*

(D) *Summ. Aduers. Num. 5.*

(E) *Ex Facto concord. §. 2.*

(F) *Ex Facto concord. §. 2.*

(G) *Summ. Aduers. Num. 9. & ex Facto concord. §. 3.*

Distulit P. Simon vsque ad mensem Aprilis de anno 1694. ac
ali tempore profectus in Aragoniam, implorauit auxilium
brachij secularis, illoque mediante premere capit Pro-
uincialem, & Religiosos Conuentus Cęsaragustę vt ipsum
recognoscerent, & admitterent (H) in Prouicarium, &
Visitatorem Generalem iuxta mox allegatas Patentes
Eminentissimi. (I)

Verum quia P. Simon perperam ampliùs vsurpabat nomen,
& potestatem Prouicarij, prout etiam euauerat præten-
sa facultas visitandi de nouo, vt mox in impugnabiliter ostē-
detur, Cōuentu remonstrare debuit brachio sęculari quod
illius assistentia P. Simoni deneganda, & reuocanda erat,
prout auditis Religiosorum exceptionibus brachium sę-
culare suam assistentiam recusauit, & inhibuit vsum bra-
chij secularis antecedentè concessi ad fauorem P. Simo-
nis. (L)

Interim P. Simon proprio Marte non desistens, 19. Aprilis
Religiosos requisit sub pęna excommunicationis vt sese
ipsi subijcerent, sed ter requisiti, ter appellarunt ad San-
ctissimum (M)

Appellatione autem contempta P. Simon 25. Aprilis publi-
cos Cedulones affixit contra Religiosos præfati Conuen-
tus (N) non sine maxima Sęcularium admiratione qui
nunquam viderant Religiosum in Religiosos publicè ful-
minantem; Vnde Religiosi antecedentibus appellationibus
repetitis iterum appellarunt. (O)

Cauendum hic à §. 6. *Facti concordati* vbi dicitur -- *La-*
sciarlo visitare in vigore de Breui Pontificij, & Ordini di
Monsignor Nunzio, e suo mandato de manutenendo, che
furono intimati, e presentati capitolarmente, quia in con-
cordando facto expresse conuentum fuit Decreta Nuntij
nullo prorsus modo comparuisse in Scena Aragoniæ; nec
tale quid inuenietur in Facto à me subscripto; Quin imò
impossibile est de huiusmodi Decretis habitam fuisse ratio-
nem in Aragonia quando ibi res agebantur de mense
Aprilis, & decretum finale Domini Nuncij est de mense
Maij

(H) *Summ. Aduers. Num. 12. & 13.*

(I) *Summ. Aduers. Num. 5. 8. & 9.*

(L) *Ex Facto concord. §. 5.*

(M) *Summ. Aduers. Num. 15.*

(N) *Summ. Aduers. Num. 16.*

(O) *Summ. nostrę Num. 7.*

Maij, (P) non obstante quod primum Decretum emanasset i 5. Martij quia remansit suspensum per recursum, reuisionem vsq; ad 12. Maij, prout vsq; à præcedenti Congregatione supplicaueram Domino Auditori Eminentissimi Ponentis, vt reflecteret iuxta tenorem mei Epistolij in calce præsentis informationis. Et in hoc parcat mihi Dominus exaduerso scribens qui suscepit Prouinciam extendendi, & transcribi faciendi factum concordatum, quia in hoc non processit bona fide.

Dùm supra narrata Cæsaraugustæ agebantur, appulerant iam Calataiubium Priores Conuentuum, Regnorum Aragoniæ, & Valentia, ac Principatus Gotholoniæ pro Capitulo Prouinciali indistincto iam ad 30. Aprilis; Vndè P. Prouincialis, & reliqui Vocales, illhuc etiam properarunt.

In prima Capituli coadunatione P. Simon significari fecit septem Religiosos, ex viginti, & vno (Q) congregatis, censuris esse irretitos, nempe P. Iosephum à Domino Nuncio, reliquos (R) verò ab ipso P. Simone; Ideoque moneri alios, nè communicarent.

Ex his, quatuor Religiosi (S) fauores P. Simonis discedere voluerunt (T) frustra iussi, vt persisterent, (V) & clandestinum quoddam Capitulum celebrarunt.

Reliqui verò decem & septem continuarunt in deliberationibus præliminaribus; sed antequam deueniretur ad electionem, P. Iosephus, de quo dicebatur, quod esset excommunicatus à Nuntio, quamuis de talis excommunicationis notitia non constaret, discessit à Capitulo, itaut electiones à sedecim dumtaxat remanentibus celebratæ fuerunt. (X)

Subsequentèr verò à P. Simone cum suis fautoribus celebratum fuit Compluti absque vlla conuocatoria prætensum Capitulum Generale, quod celebrandum erat Granatæ, ibique, nullo audito, declaratum fuit nullum Capitulum celebratum à Sedecim, & è contra validum celebratum à quatuor, & in eodem admissi quinque Vocales electi ab isto Capitulo, & contempti Vocales electi à Capitulo ple-

A 2

no

(P) *Summ. Advers. Num. 11.*

(Q) *Summ. Advers. Num. 17. litt. A.*

(R) *Sunt descripti d. Num. 17. in ordine Num. 1. 2. 4. 5. 6. 29. & 21.*

(S) *Descripti d. Num. 17. septimus 9. 12. & 18.*

(T) *Dicto Summ. Advers. Num. 17. litt. C.*

(V) *Dicto Summ. Num. 17. post d. litt. C.*

(X) *Et facto concord. §. 7.*

no qui, in ipso Capitulo Generali de eorum contemptu, & nullitate protestati fuerunt. (Y)

His stantibus, vltra alias nullitates, ac subuersiones Iuris, & legum, & enormes violentias, reproponitur hodiè dubium: an generale Capitulum de quo agitur, fuerit nullum; illudque, attenta iustitia, speramus nullum esse declarandum, prout declarari supplicamus.

Ad respondendum de nullitate satis est dicere, vt aduerte-
bamus in præterita, quod vltra mutationem loci, quæ iuxta
Constitutiones municipales fieri non posset, nisi à Sum-
mo Pontifice *Summ. nostro Num. 8.* nulla interuenit con-
uocatoria ad locum mutatum, neque vlli mutatio signifi-
cata fuit; vnde nullitas est insanabilis *Cap. bonæ 36. de
Elect. cum concordan.* absque eo quod prætendi possit ci-
tationem adimpletam per comparitionem Vocalium, quia
ex Vocalibus qui debebant interesse iuxta Constitutiones
à nobis datas in *Summ. Num. 9. & 10.* non fuerunt vocati,
nec interfuerunt sedecim Vocales enumerati in *nostro
Summ. Num. 11. litt. B.*

Sed quoniam ex aduerso tota vis constituitur in impugnando
nostro Capitulo Prouinciali Aragoniæ, illique obijciuntur
tres Censuræ, nempe Censuræ latæ à P. Simone, aliæ latæ
à D. Nuncio contra vnum ex Vocalibus, ac demùm aliæ
incurse ob recursum ad Iudices Laicos; propterea nostros
Religiosos, & per consequens Capitulum ab obiectis hu-
iusmodi Censurarum irreiragabiliter vindicabimus.

Censuræ latæ à P. Simone non solum sunt attentatæ ex quo
fulminatæ sub die 25. Aprilis pendente appellatione ad
Sanctissimum interposita sub diebus 3. & 19. Aprilis vt in
Summ. nostro Num. 7. & Summario Aduers. Num. 15.
Verùm etiam quia P. Simon erat persona priuata, & nul-
lam habens potestatem, quia neque erat Prouicarius, ne-
que erat Visitator.

De carentia Prouicariatus res est clara, quia eius deputatio
in Prouicarium concepta fuerat cum clausula durante sus-
pensione *Summ. Aduers. Num. 5.* & suspensio Vicarij
Generalis iam amplius non durabat, quia defunctus fue-
rat, quod non negatur, & in Officio Prouicariatus suc-
cesserat Prouincialis Andalusie ex Constitut. Gregorij
XV. *Summ. nostro Num. 2.* itaut quicquid fecerit P. Si-
mon

mon vtendo iuribus Prouicarij, totum fuerit contra Constitutiones Apostolicas: & displicere non debet, quod posita in vna lance eius deputatione expirata, & stante ab altera Constitutione Apostolica, Patres Aragoniæ adhaereant potiùs Constitutioni Apostolicæ, quàm eius deputationi effectu euacuata.

Nec possunt suffragari asserta Decreta manutentionis explicata ab Auditore Nuntiaturæ, in *Summ. ex aduerso nu. 11*. quia quicquid sit de iustitia, vel iniustitia huiusmodi decretorum, certum est quod illa non comparuerunt, vt dicebamus, nec comparere potuerunt in Aragonia, nisi subuerteretur ordo Chronologicus, vt decreta Maij antecederet visa fuerint in Aprili.

Minùs suffragari potest subtilitas, sub qua fortasse Auditor Nunciaturæ æquiocauit, quod scilicet Prouicariatus durare debebat non solum durante suspensione, verùm etiam Visitatione durante; quia in hoc etiam sensu expiratus fuisset, dum Visitatio durare non debebat, nisi per totum annum 1693. qui iam expirauerat, quando hæc agebantur in Aragonia.

De carentia verò Visitationis, res adhuc est clarior ex duplici capite: *Primo*, quia, vt est in confesso, Visitatio durare non debebat, nisi durante anno 1693. vnde anno isto iam expirato, expirauerat etiam Visitationis, absque eo quod dicatur, quod intra dictum annum à 10. Octobris vsque ad finem Decembris satis temporis non habebat ad explendam Visitationem, quia sibi imputet, si iure suo vsus non est tempore habili. Præterquam quod motuum retorqueamus; acsi bimestre, seu trimestre non erat sufficiens ad visitandum, longè minùs sufficiens erat in Aprili vnus mensis dumtaxat ad visitandum.

Sed clariùs *secundò* cessat Visitationis, quia de Mense Februarij emanauit constitutio Sanctissimi D. N. moderatoria facultatum Protectorum Ordinum Regularium; ibique aufertur à Protectoribus omnis, & quæcunque iurisdictio tam iudicialis, quàm voluntaria, derogando etiam Indultis, priuilegijs, aut constitutionibus Apostolicis, siue ex regulis siue ex statutis Ordinis siue quouis modo pertineret, prout videre est in dicta Constitutione impressa circa medium in. §. *Hinc cum retento cum seq.* Vnde cum

antequam P. Simon uti inciperet protestate sibi data ab Eminentiss. Protectore ad visitandum de nouo; Imò antequam suam commissionem patefaceret, superuenit ademptio potestatis in Eminentiss. delegante, intrat aperta iuris regula, quod *extincta Jurisdictione in Persona mandantis, extinguitur Jurisdictio in persona Mandatarij re-integra*, ut sunt verba Butrij in cap. *Relatum num. 3. de offic. Deleg. vbi reliqui Canonistæ.*

Hinc est quod P. Simon non poterat admitti in visitatorem vigore præmissarum literarum patentium, quia obstabat Constitutio Sanctissimi pœnalis aduersus ipsos Religiosos si admisissent, ut in *præcit. constit. in S. Ut autem.* & his rationibus doctissimi Religiosi Aragoniæ replicarunt Patri Simoni etiam per manifestum impressum, cuius rationes approbarunt Magister Scholæ Metropolitanæ, & collegialiter sedecim Collegia, & Conuentus, nempe Societatis Iesu, S. Augustini, S. Dominici, & aliorum Ordinum Regularium Cæsaraugustæ. Vnde mandatum factum à persona priuata, & omni potestate denudata, & mandatum contra Constitutiones Apostolicas non erat attendendum, subindeque eiusdem censuræ non timendæ ob radicalem defectum potestatis in fulminante, ex cap. *Noua. de penit. & remis. Fagnan. in cap. Procuraciones. de censibus nu. 49.* præsertim attenta appellatione ad omnem bonum finem interposita, ex allegatis per *Donat. tom. 1. tract. 10. quæst. 28. & quæst. 41. num. 2.*

Quantum est igitur ad censuras fulminatas à Patre Simone, poterant Vocales Prouinciæ Aragoniæ, tum stante appellatione, tum stante defectu potestatis in fulminante progredi ad Capitulum Prouinciale, & uti ipsorum iure absque vlllo timore, ut docet *Donatus loc. citat. dist. quæst. 41.* ne aliàs sit in arbitrio priuati cuiusque induere larum Superioris, & legitimas Prouinciarum functiones perturbare.

Transeundo ad censuras quæ latè prætenduntur à Nunciatura contra Patrem Iosephum à Spiritu Sancto vnum ex Vocalibus Capituli Prouincialis, prout in facto concordato §. 4. iam dicebamus eas non iustificari ex fide Secretarij Patris Simonis ex aduerso data *num. 10.* neque modo ex literis Domini Nuntij iustificatur, quod censura latæ

Matriti emanauerint citata Parte, seu quod intimatæ fuerint Patri Iosepho existenti in Aragonia. Vnde ignorantes censuras contra se latas, habere se non debet pro censurato, *Fagnanus in cap. A nobis. il. 1. de sentent. excommunic. num. 40.* Hinc Capitulum Prouineiale impugnari non potest ex eo capite, quod iste Pater Ioseph in eo interuenierit.

Et adhuc obiectum cessat ex facto, quia licet interfuerit primæ sessioni, in qua sequuta fuit protestatio P. Simonis, & in qua facta fuere nonnulla Decreta; nihilominus in sessione alterius diei, in qua fuerunt electi Vocales pro Capitulo Generali, P. Iosephus nequaquam interuenit, ut in facto concord. §. 7. Vndè istorum electio redargui non potest ex pretenso defectu, quod facta fuerit cum participatione excommunicati declarati.

Et ex eo, quod reliqui Vocales participassent cum ipso in Sessione antecedenti, ad summum prætendi potest nullitas Actorum illo interueniente gestorum, loquendo in supposito excommunicationis notæ (quod in facto non ostenditur) & retento eodem supposito non propterea remanere possunt infectæ electiones subsequutæ absque illius interuentu, quia ad nullitatem debuisset præcedere declaratio Iudicialis incursus Censurarum in reliquis Vocalibus, aliàs actus electionis non vitatur *Donatus Tom. 2. tract. 4. quest. 8. & num. 3. ad seqq.*

Vndè Vocales Aragoniæ mei Principales impugnari non possunt ex capite excommunicationis prætensæ contra P. Iosephum à Spiritu Sancto, tum quia non constat in facto, tum quia de iure non obstat in ordine ad electiones.

Demum nostrum Capitulum Prouineiale impugnari non potest ex capite Censurarum à Iure inflictarum ex prætenso recursum ad Iudices laicos, quia, ut in præterita responsione dicebamus, nos non fuimus recurrentes, sed ipse P. Simon nos vocauit ad illud Tribunal, cuius ipse brachium implorauerat, ut in facto concordato §. 5.

Neque nostra procedimenta quæ non fuerunt, nisi ad auertendam à nobis potentiam sæcularem ab Aduersario imploratam, redargui possunt de recursum, quia defensio & exceptio, nè brachium impertiretur, non est prohibita; neque alius est sensus verborum, quæ leguntur in nostro Capitulo Prouincia-

ciali, nisi quod Iustitia Aragoniæ brachium concessum reuocauerit.

Et hoc apertè patet ex ipso facto, quia si alièr fuisset, absque ullo dubio P. Simon die 25. Aprilis non processisset ad excommunicandos Religiosos, prout in *Summ. ex aduerso* n. 16. si firma obtenta à Religiosis sub die 21. eiusdem mensis aliud importasset, quàm assistentiam brachij sæcularis denegare.

Neque recursus probatur ex literis Illustriss. Nuncij ad Eminentissimum Protectorem sub data Septembris 1694. vt in facto concordato d. §. 5. *circa finem*, quia literæ Nuntij loquuntur de alio facto recenti, vt apparet in facto concordato §. 10. Vndè recentia retrotrahi non possunt ad factum Capituli Prouincialis; sed in ipso etiam facto recenti loquitur in genere, & non specificat de quo intelligat, dùm verba illa: *valendosi dei fori di quel Regno*, sunt verba nimis generica, super quibus fundari non potest iudicium aliquod ad prætendendum, quod essent excommunicati Vocales, qui celebrarunt nostrum Capitulum Prouinciale; Vndè nullitas nostri Capituli Prouincialis per coniecturas & diuinationes, verborumue longinquas interpretationes, redargui non potest.

Imò motiuum hoc in Vrbe excogitatum, est aded alienum à facto, vt si hoc substitisset, Capitulum generale, sicuti declarauit fuisse nullum nostrum Capitulum ratione Censurarum à P. Simone iustificatum, si adfuisset nullitas ob recursum ad Iudices laicos, certè non omisisset nullitatem ex illo capite declarare.

Neque replicetur Capitulum generale ausurum non fuisse ex isto Capite declarationem facere, dùm hoc idem Capitulum sub determinatione quinta non timuit decernere, vt recurrentes ad Iudices laicos in Regnis tam Castellæ, quàm Aragoniæ expolientur habitu & à Religione expellantur, prout ex Capitulo generali circa finem; Vndè obiectum Censurarum ex prætenso recurso non ostenditur, nec subsistit.

Ac propterea Capitulum Prouinciale ab omnibus prætensis Censuris vndeque vindicatum est.

Attenta igitur validitate nostri Capituli Prouincialis, negari non potest nullitas alterius Capituleculi, & nullitas Capituli Generalis tum ratione contemptus quinque Vocalium Aragoniæ nostrorum principalium, qui reclamant, & de

con-

contemptu ac nullitate protestati sunt, *Summ. nostro nu. 14.* tum ob locum indebitè mutatum, & omissam Conuocationem, ex quo non interuenit P. Iacobus, qui iuxta Constitutiones erat Prouicarius, & qui reclamauit *Summ. nostro num. 5.* & interuenire non potuerunt oſto Vocales pro Indijs, vltra alias nullitates in præteritis indicatas.

Hinc speramus declarandam nullitatem adeò manifestam, vt Regulares iam facti audaciores ad lura conculcanda sub spe sanationis, discant ex iustitia proprias Constitutiones reuereri, & huic Religioni post diuturna turbina, tandèm religiosa serenitas illucescat, nil refragantibus literis Illustriss. Nuntij in facto concordato sub §. 10. quia non potest esse informatus, nisi à Matritensibus, qui assistunt P. Simoni, prout hic in Vrbe diù nullus informauit, nisi P. Ioannes, & neque concipere pacatas esse Prouincias Castellæ & Bethicæ, dùm adhuc exulant legitimi Prouinciales & Definidores, ac grauiores Ordinis Patres, & per minas, & carceres gemitus oppressorum cohibetur.

Quare &c.

Georgius de Firmanis.

Sig. Antonio Buffi mio Sig.

Per togliere ogni ombra di difficoltà, supplico V. S. à riflettere in punto di fatto, che li due Decreti del Nunzio che nella Causa de' Scalzi Agostiniani si danno dalla parte contraria al num. 11. non comparuero in Scena nelle cose succedute in Saragoſa, come V. S. può riconoscere dalle Scritture della Parte, che formano il Sommario della medesima num. 12. & 13.

Anzi per la ragione Chronologica, questi due atti non poterono interuenire in Aragona, perche se bene il primo è delli 15. di Marzo; con tutto ciò, quello non può hauer effetto, perche in Madrid continuò la disputa, e non fù fortificato questo Decreto se non alli 12. di Maggio, come si vede dal
mc-

medesimo Sommario della Parte ; onde per l'ordine dei
Tempi non fu possibile , che nei fatti di Saragosa , che furono
in Aprile , si potesse hauer ragione di vn Decreto firmato di
Maggio : Che è quanto mi occorre di supplicarla à far ri-
flettere al Sig. Cardinale, e le bacio deuotamente le mani.

Di Casa li 21. Gennaro 95. all'hore 16.
Di V.S. mio Sig?

Deuotiss. Seru. Obligatoriss.
Giorgio Firmani.

Georgius de Firmiano